

Nr. 335 Prot.,

Tiranë 07/03/2023.

Nr. 101/1 Prot.,

Tiranë 10/03/2023.

**MARRËVESHJE BASHKËPUNIMI
NDËRMJET
UNIVERSITIT “BARLETT” (UNIBA)
DHE
SPITALIT UNIVERSITAR “SHEFQET NDROQI”
PËR
REALIZIMIN E VEPRIMTARISË SË FORMIMIT PROFESIONAL DHE SPITALOR
NË TË GJITHA FUSHAT E SHKENCAVE MJEKËSORE**

Preambul: Universiteti “Barleti” (UniBa) dhe Spitali Universitar “Shefjet Ndraqi” në vijim të quajtura Palë:

Duke vlerësuar rëndësinë e përmirësimit të sistemit arsimor dhe shëndetësor në kuadër të modernizimit të sistemit arsimor dhe shëndetësor;

Duke marrë në konsideratë politikat e ndjekura dhe masat e ndërmarra përfunksionimin dhe përmirësimin e një sistemi arsimor profesional të përgjegjshëm dhe modern;

Duke vlerësuar angazhimin institucional për të siguruar standarte të larta në veprimtarinë dhe etikën e të gjitha hallkave të sistemit arsimor;

Duke konsideruar se një ndër objektivat kyçë në ushtrimin e veprimtarisë së sistemit arsimor është efikasiteti dhe eficenca e administratës arsimore të këtij universiteti në përputhje me standartet dhe praktikat më të mira vendase dhe ato perëndimore;

Duke afirmuar vullnetin dhe vendosmërinë për të bashkëpunuar dhe kontribuar në realizimin e qëllimit të kësaj marrëveshjeje për të përbushur edhe angazhimet në kuadër të Integrimit Evropian të sistemit arsimor në fushën e shkencave mjekësore;

Duke u mbështetur në kuadrin ligjor që rregullon veprimtarinë institucionale: në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, ligjin nr. 9106, datë 17.7.2003 “Për shërbimin

spitalor në Republikën e Shqipërisë" ndryshuar me ligjin nr. 62/2013.

Palet kanë rënë dakord të lidhin këtë marrëveshje bashkëpunimi, në vijim:

NENI 1
Qëllimi dhe Objekti

1. Qëllimi kryesor i kësaj marrëveshjeje bashkëpunimi është krijimi i një bashkëpunimi akademik, të posaçëm për kryerjen e veprimtarive të formimit profesional shkencor dhe praktik midis Universitetit "Barleti" (UniBa) dhe Spitalit Universitar "Shefqet Ndraqi" në fushat e Shkencave Mjekësore.
2. Objekti i kësaj marrëveshjeje është bashkëpunimi dhe realizimi i praktikave mësimore të studentëve të Universitetit "Barleti" në Spatalin Universitar "Shefqet Ndraqi" si dhe i të regjistruarve në kurset e edukimit në vazhdim që do të zhvillohen duke mundësuar praktikën në grupet që do të janë nën mbikqyrjen e përgjegjësve të grupeve të trajnimit të Universitetit "Barleti".

NENI 2
Informacion mbi palët

1. Universiteti "Barleti" është një institucion i arsimit të lartë jo publik, i cili ndër vite ka promovuar një nivel të lartë edukimi, duke synuar të zhvillojë prirjet e çdo studenti, me objektivin e krijimit të ekspertëve më të mirë, të aftë për të konkuruar në tregun ndërkombëtar. Misioni i Universitetit është krijimi i një institucionit akademik elitar, bazuar në praktikat dhe vlerat më të mira ndërkombëtare, me programe shumëdisiplinore të vënë në jetë nga akademikët më të mirë shqiptarë.
2. Spitali Universitar "Shefqet Ndraqi" është një institucion kombëtar, shtetëror, që siguron ndihmën mjekësore të specializuar në fushën e pneumologjisë, mjekësisë interne, reanimacionit mediko-kirurgjikal, kirurgjisë, kardiologjisë. Nën mbikqyerjen e Ministrisë së Shëndetësisë dhe Mbrojtjes Sociale, Spitali Universitar "Shefqet Ndraqi" është garant i një shërbimi terciar cilësor për të garantuar jetën e pacientit.

NENI 3
Të drejtat dhe përgjegjësitë e palëve

Universiteti "Barleti" dhe Spitali Universitar "Shefqet Ndraqi" kanë të drejtat dhe përgjegjësitë e mëposhtme:

1. Universiteti "Barleti" angazhohet:

- a). Në prezantimin paraprakisht të numrit të studentëve dhe pjesëmarrësve të kurseve si dhe listën e plotë të tyre që do të kryejnë praktikën në Spitalin Universitar “*Shefqet Ndroqi*”;
- b). Në paraqitjen e programit të praktikës të cilin do të zhvillojnë studentët dhe pjesëmarrësit në kurset e edukimit në vazhdim;
- c). Në respektimin e rregullave të parashikuara në rregulloret e brendshme si dhe legjislacionin në fuqi me anë të cilit bëhet rregullimi i funksioneve të brendshme shëndetësore, përfshi respektimin e orareve të përcaktuara;
- ç). Në mbështetjen e Spitalit Universitar “*Shefqet Ndroqi*” nëpërmjet vënies në dispozicion të projekteve të përbashkëta me qëllim rritjen dhe përmirësimin e nivelit profesional dhe akademik të institucioneve;
- d) Në caktimin për çdo grup studentësh, apo kursantësh pasuniversitar të një *Përgjegjësi Grupi Trajnimi* që do të jetë një Infermier me përvojë në fushën përkatëse i angazhuar pranë UniBa, ose Spitalit “*Shefqet Ndroqi*”.
- e) Grupet e studentëve dhe të kursanteve që do të trajnohen të mos jenë më shume se 5-6 persona dhe ndarja e tyre nëpër pavione të bëhet në bashkërendim të plotë me drejtuesit e Spitalit dhe të Departamentit ku do të zhvillohet trajnimi.
- f) Në bashkëpunimin nga afër me Spitalin “*Shefqet Ndroqi*” për zhvillim aktivitetesh të përbashkëta si konferanca, seminare, workshop, programe Erasmus, etj, duke afruar mbështetje logistike, akademike si dhe çdo formë tjetër mbështetje për këto aktivitete në shkencat mjekësore.

2. Spitali Universitar “*Shefqet Ndroqi*” angazhohet:

- a). Në pranimin e studentëve dhe kursantëve për kryerjen e praktikës sipas programit të parashikuar;
- b). Në ofrimin e kushteve të nevojshme për kryerjen e praktikës dhe mbikëqyerjen e ecusirë së praktikës me qëllim përfitimin e kualifikimit sa më cilësor;
- c). Në vënien në dispozicion të mqediseve të Spitalit Universitar “*Shefqet Ndroqi*” për kryerjen e praktikës duke përfshirë edhe kapacitetet teknike si laboratorët, pajisjet etj.;
- ç). Në përgatitjen e një karakteristike për çdo student ose kursant në përfundim të praktikës duke përshkuar nivelin e përvetësimit gjatë praktikës.

NENI 4

Kushtet shtesë

Kur është e nevojshme, terma të mëtejshëm do t'i shtohen kësaj marrëveshjeje të cilat do të sigurojnë zhvillimin e mëtejshëm të programit dhe planifikimin e specifikave aktivitetet dhe do të përcaktojë detyrimet e të dy institucioneve pjesëmarrëse në zhvillime të tillë të mëtejshme.

NENI 5

Vlefshmëria

- a. Marrëveshja do të bëhet aktive në ditën e nënshkrimit dhe do të funksionojë për 1 (një) vit universitar: 2022-2023, me të drejtë rinoimi.
- b. Nëse secili nga partnerët dëshiron të anulojë marrëveshjen, ata duhet të njoftojnë 10 (dhjetë) ditë përpara afatit dhe akti i anulimit do të jetë paparagjykim ndaj veprimeve dhe aktiviteteve ekzistuese dhe në vazhdim.
- c. Dispozitat e kësaj marrëveshjeje mund të ndryshohen në çdo kohë me pëlqimin e ndërsjellë me shkrim të të dy palëve.

NENI 6

Vlerësimi i zbatimit të marrëveshjes

1. Palët marrin përsipër të vlerësojnë bashkarisht zbatimin e marrëveshjes nëpërmjet hartimit dhe paraqitjes së një raporti periodik me shkrim, në përfundim të vitit akademik.
2. Raporti përmban, krahas të dhënave për ecurinë e aktiviteteve trajnuese të zhvilluara gjatë një viti akademik edhe rekomandimet konkrete për adresimin e problematikave të evidentuara.

NENI 7

Komunikimi mes palëve

1. Palët, angazhohen të mbajnë një komunikim të vazhdueshem ndërmjet tyre dhe të shkëmbujnë çdo informacion të nevojshëm për përbushjen e detyrave të tyre. Komunikimi do të kryhet në formë shkresore ose në rrugë elektronike. Në çdo rast të paraqitjes së një kërkese, palët angazhohen të jalin per gjigje brenda 10 ditëve.
2. Palët angazhohen të jenë të disponueshme në çdo kohë për komunikimin dhe koordinimin me njëra-tjetrën, me qëllim rakordimin e veprimeve që duhet të ndërmerrin rast pas rasti.

NENI 8
Ndryshimi i marrëveshjes së bashkëpunimit

Marrëveshja e bashkëpunimit mund të ndryshojë vetëm me marrëveshje të palëve nëpërmjet shkëmbimit të komunikimit me shkrim.

NENI 9
Zgjidhja e mosmarrëveshjeve

Çdo jo dakortësi lidhur me interpretimin ose zbatimin e kësaj marrëveshjeje zgjidhet me mirëkuptim mes palëve.

NENI 10
Hyrja në Fuqi

Marrëveshja hyn në fuqi ditën e nënshkrimit të saj.

Marrëveshja përgatitet dhe nënshkruhet në gjuhën shqipe, në 4 (kater) kopje origjinale: 2 (dy) kopje origjinale për S. U. "Shefzet Ndraqi" dhe 2 (dy) kopje origjinale për Universitetin "Barleti".

Nënshkruar në Tiranë, në 10.03.2023

UNIVERSITETI "BARLETI"

REKTORI

PROF. DR. SUZANA GUXHOLLI



SPITALI UNIVERSITAR "SHEFQET NDROQI"

DREJTOR I PËRGJITHSHËM

PROF. DR. SILVANA BALA

